

Alvarleg bankakreppa skollin á í Andorra-sögð minna á Ísland og Kýpur

Eftir Styrmi Gunnarsson

Alvarleg bankakreppa er komin upp í Andorra. Bankarnir í furstadæminu hafa 17 sinnum meiri fjármuni í sinni umsjá en nemur vergri landsframléiðslu Andorra á ári. Í tilviki Íslands var talið að þetta hlutfall hafi verið tíu sinnum verg landsframléiðsla Íslands.

Andorra er ekki aðili að ESB eða evrusvæðinu en notast við evruna á óformlegum grundveli að sögn Daily Telegraph. Blaðið segir bankakreppuna í Andorra nú sígilt dæmi um hvað geti gerzt, þegar lítið ríki laði til sín fjármálafyrirtæki með því að lofa minni háttar afskiptum eftirlitsaðila.

Blaðið segir reynslu Andorra nú minna á Ísland og Kýpur.

Á síðustu þremur vikum hafa bankamenn verið handteknir og settir í fangelsi, aðgangur innistæðueigenda að eigin fé hefur verið takmarkaður og ríkisstjórn landsins reynir að sannfæra aðrar þjóðir um að Andorra sé ekki skattaskjól.

Í Andorra búa um 77þúsund manns og þangað koma árlega yfir 10 milljónir ferðamanna.